

სსიპ - საქართველოს ტურიზმის ეროვნული

ადმინისტრაცია



ელექტრონული ტენდერით ქუთაისსა და ახალციხეში საინფორმაციო-სარეკლამო
მანათობელი ბილბორდების
(თანმდევი მონტაჟით) შესყიდვის

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის
12¹ მუხლის, „გამარტივებული შესყიდვის, გამარტივებული ელექტრონული ტენდერისა და ელექტრონული
ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის
07 აპრილის #9 ბრძანების საფუძველზე.

2015 წელი

სარჩევი

1. ინსტრუქცია ტენდერში მონაწილეთათვის	3
2. ტექნიკური დოკუმენტაცია	4
3. სახელმწიფო შესყიდვების შესახებ ხელშეკრულების პროექტი	7
4. რეკვიზიტები დანართი #1	11
5. მისაწოდებელი საქონლის (თანმდევი მონტაჟით) ფასების ცხრილი დანართი	12

1. ინსტრუქცია ელექტრონულ ტენდერში მონაწილეობის მისაღებად

1.1 ელექტრონული შესყიდვა ტარდება სახელმწიფო შესყიდვების ერთიანი ელექტრონული სისტემის (შემდგომში სისტემა) მეშვეობით.

1.2 სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის #9 ბრძანების შესაბამისად.

1.3 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში ატვირთული დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.5 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6 პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.7 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში. ქ. თბილისი, სანაპიროს ქ. #4, მე-6 სართული. საკონტაქტო პირი: ნინო ტვილდიანი/ნატო დავითაშვილი ტელ: 243 69 99 (16)

2. ტექნიკური დოკუმენტაცია

2.1 საკვალიფიკაციო მოთხოვნები:

საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

2.1.1 იურიდიული პირებისათვის:

ა) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან;

ბ) ცნობა საგადასახადო ორგანოდან ბიუჯეტის წინაშე დავალიანების არარსებობის შესახებ.

2.1.2 ინდივიდუალური მეწარმეთათვის:

ა) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან;

ბ) ცნობა საგადასახადო ორგანოდან ბიუჯეტის წინაშე დავალიანების არარსებობის შესახებ.

2.1.3 ფიზიკური პირებისათვის:

ა) ცნობა საგადასახადო ორგანოდან ბიუჯეტის წინაშე დავალიანების არარსებობის შესახებ;

ბ) პირადობის დამადასტურებელი მოწმობის ასლი.

2.2 ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემულ უნდა იყოს „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ” სახელმწიფო შესყიდვების სააგენტოს თავმჯდომარის 2011 წლის 07 აპრილის #9 ბრძანებით დამტკიცებული წესის მე-2 მუხლის პირველი პუნქტის „ლ” ქვეპუნქტით გათვალისწინებული ეტაპის დაწყების შემდეგ, ხოლო არარეზიდენტი პრეტენდენტის შემთხვევაში – საკვალიფიკაციო მონაცემების დამადასტურებელი დოკუმენტები გაცემული უნდა იყოს ამ წესის მე-2 მუხლის პირველი პუნქტის „ლ” ქვეპუნქტით გათვალისწინებული ეტაპის დაწყებამდე არა უგვიანეს ოცდაათი დღისა.

2.3 ამ პუნქტის 2.2 პუნქტით გათვალისწინებული, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები წარმოდგენილ უნდა იქნეს შემსყიდველ ორგანიზაციაში მოთხოვნიდან არა უმეტეს 5 (ხუთი) სამუშაო დღეში. არარეზიდენტმა პრეტენდენტმა უნდა წარმოადგინოს თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

2.4 შესყიდვის სავარაუდო ღირებულება:

შესყიდვის სავარაუდო ღირებულება შეადგენს: **40 000.00** (ორმოცი ათასი) **ლარს**.

2.5 ანგარიშსწორების პირობები:

2.5.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.5.2 ანგარიშსწორება მოხდება უნაღდო ანგარიშსწორებით ლარში.

2.5.3 ანგარიშსწორება მოხდება მიღება-ჩაბარების აქტის გაფორმებიდან 20 დღის განმავლობაში.

2.5.4 დაფინანსების წყარო 2015 წლის სახელმწიფო ბიუჯეტი.

2.6 შესყიდვის ობიექტის ტექნიკური დავალება: მიმწოდებელმა უნდა უზრუნველყოს საქართველოს რეგიონების ტურისტულად მიმზიდველ ქალაქებში სარეკლამო მანათობელი ბილბორდების (თანმდევი მონტაჟით) მოწოდება შემდეგი ტექნიკური მახასიათებლების შესაბამისად:

კონსტრუქცია : სიმაღლე: 210 სმ. / სიგანე: 115 სმ./ სისქე: 25 სმ. (იხ. დანართი #3)

საინფორმაციო-სარეკლამო ბილბორდის კონსტრუქცია უნდა იყოს ორმხრივი და გარედან დაფარული მაღალი ხარისხის, შავი ფერის, გლუვი, 4 მმ. სისქის, ევროპული წარმოების ალუკაბონდით. კონსტრუქციას უნდა ჰქონდეს ორი სარკმელი, რომლებშიც ჩასმული იქნება 6 მმ. სისქის ნაწრთობი შუშები.

შუშის უკან, ორივე მხარეს, განთავსებული უნდა იყოს საინფორმაციო-ვიზუალური მასალა (შემსყიდველის მხრიდან მიწოდებული იქნება 24 ციფრული ფაილი) - რომელიც დაბეჭდილ უნდა იქნეს მაღალი ხარისხის, გარე გამოყენების ფოტო ფირებზე. ფირები გადაჭიმულია და სრულად ავსებენ კონსტრუქციის სარკმელებს (პარამეტრები: 107 სმ. X 166 სმ.) ბილბორდის მთლიანი კონსტრუქცია, როგორც შიგნიდან, ასევე გარედან, უნდა იყოს მყარად შეკრული და კარგად გამაგრებული (ვანდალიზმისგან დასაცავად). კონსტრუქციის შიდა ჩონჩხი უნდა შეიკრას და გამაგრდეს მინიმუმ 2 მმ. კედლის სისქის მქონე მილ-კვადრატებისგან, რომლებიც უნდა შეიღებოს მაღალი ხარისხის, შავი ფერის, ანტიკოროზიული საღებავით. კონსტრუქციის ქვედა ნაწილი, (განსაკუთრებით საფრთხილოა, რომ ფეხის დარტყმით დაზიანდეს), შიდა მხრიდან, დამატებით უნდა გამაგრდეს ორი ან მეტი მილკვადრატით. ბილბორდების კონსტრუქცია იდგმება ღია ცის ქვეშ და გამძლე უნდა იყოს ზუნერბივი პირობების მიმართ (ყინვა/წვიმა/თოვლი/შუშე). კონსტრუქცია გათვლილი უნდა იყოს ხანგრძლივ ექსპლუატაციაზე და საშუალებას იძლეოდეს მარტივად შეიცვალოს მასში მოთავსებული საინფორმაციო-ვიზუალური მასალა. კონსტრუქციის სარკმელები უნდა იკეტებოდეს საიმედო საკეტებით. მიმწოდებელმა ასევე უნდა უზრუნველყოს ახალციხეში უკვე დამონტაჟებული ორი ბილბორდისათვის (შემსყიდველის მხრიდან მიწოდებული დამატებით 2 ციფრული ფაილი) დაბეჭდვა მაღალი ხარისხის (ევროპული წარმოების) თვითწებვად ფირზე (პარამეტრები: 107 სმ. X 166 სმ.) .

სამონტაჟო სამუშაოები: მიმწოდებელმა უნდა უზრუნველყოს, ბილბორდის კონსტრუქციის მონტაჟისათვის საჭირო ყველა სახის სამუშაოების შესრულება (ტრანსპორტირება, საფარის აყრა, მიწის ამოთხრა, კაბელების ჩადება, მიწის დაყრა, საფარის აღდგენა და ა.შ.) და სამონტაჟო სამუშაოების შედეგად დაზიანებული ინფრასტრუქტურის პირვანდელი სახით აღდგენა. საფარი ისე უნდა იქნას აღდგენილი (ბილბორდის მონტაჟამდე), რომ მაქსიმალურად დაიფაროს ბეტონის სამუშაოების კვალი. აღნიშნული კონსტრუქცია მიწაში უნდა ჩამაგრდეს მყარად, არმირებით შეკრული 4 ფეხით, ფეხები ბეტონში უნდა ჩავიდეს 60 სმ-ის სიღრმეზე და გამაგრდეს M300 მარკის ბეტონით. ორმოს გარშემოწერილობა და სიღრმე: 130/40/60.

განათება და ელ. მომარაგება: ბილბორდების კონსტრუქცია უნდა განათდეს მაღალი ხარისხის, ევროპული წარმოების (7000-10000 საათიანი სამუშაო რესურსის მქონე) ცივი ნათების (6500K), 85-90 სმ. სიგრძის, 21 ვატისანი ლუმინესცენტური/ფლოუორესცენტური 10 ნათურით.

მიმწოდებელმა კონსტრუქციის ელ. ენერგიით კვებისათვის, უნდა უზრუნველყოს ელ. ენერგიის კონსტრუქციამდე მიყვანა და დაერთება (ორმაგი იზოლაციის მქონე ელ. ენერგიის კაბელი კონსტრუქციამდე მიდის მიწისქვეშაიდან, მოთავსებულია მაღალი ხარისხის და გამძლეობის მქონე გოფირებულ მილში და ჩადებულია 0.5-0.7 მ-ის სიღრმეზე, მაქსიმალური დაშორება დასაერთებელი წყაროდან 25მ.). ასევე მოაწყოს დამცავი დამიწება თითოეული ობიექტისათვის, გაზომვით (გაზომვითი სამუშაოები უნდა შესრულდეს ლიცენზირებული კომპანიის მიერ) და მიმწოდებელმა უნდა წარმოადგინოს გაზომვითი სამუშაოების ჩატარების და შესაბამისობის დამადასტურებელი დოკუმენტაცია. კონსტრუქციებში უნდა ჩაყენდეს ავტომატური გამთიშველები. ყველა აღნიშნული სამუშაო უნდა ჩატარდეს, ელექტრო მოწყობილობების მოწყობის მოთხოვნების (ე.წ. ПУЭ), სრული დაცვით.

დასახელება	ქალაქი	რაოდენობა
საინფორმაციო-სარეკლამო მანათობელი ბილბორდების (თანმდევი მონტაჟით) შესყიდვა	ქუთაისი	10 ცალი
	ახალციხე	2 ცალი

ქუთაისი :

- ჭავჭავაძის გამზირი, ავტო-სადგურის მიმდებარე ტერიტორია;
- თეთრი ხიდის მიმდებარე ტერიტორია;
- კინო-თეატრ საქართველოს მიმდებარე ტერიტორია;
- რკინიგზის სადგურის მიმდებარე ტერიტორია;
- შ. რუსთაველის ხიდი - ტურიზმის საინფორმაციო ცენტრის მიმდებარე ტერიტორია;
- შ. რუსთაველისა და ი. აბაშიძის ქუჩების კვეთის მიმდებარედ;
- საფიჩხიის მოედანზე;
- ცენტრალურ მოედანზე;
- ი. ჭავჭავაძისა და ნიკეის ქუჩების კვეთის მიმდებარედ;
- ქუთაისის დ. აღმაშენებლის სახელობის აეროპორტის ტერიტორიაზე;

ახალციხე:

- ხარიშვილის ქუჩა - ციხის გამოსასვლელის მიმდებარედ;
- თამარაშვილის ქუჩა - რვა სართულიანი შენობის მიმდებარედ;

შენიშვნა: 1. გამარჯვებულმა პრედენდენტმა საქონლის (თანმდევი მონტაჟით) - ვიზუალური და ტექნიკური მხარის დეტალები უნდა შეათანხმოს შემსყიდველთან. პრეტენდენტმა სამონტაჟო სამუშაოების დაწყებამდე შემსყიდველს უნდა წარმოუდგინოს საქონლის აწყობილი და დასრულებული ნიმუში.

შენიშვნა: 2. გარდა გამძლეობისა და უსაფრთხოებისა, განსაკუთრებული ყურადღება უნდა გამახვილდეს, როგორც კონსტრუქციის, ასევე შესრულებული სამუშაოს შემდგომ აღდგენილი მიწის საფარის კარგ ვიზუალურ მხარეზე და მაღალპროფესიონალურ შესრულებაზე.

2.7 შესყიდვის ობიექტის მიწოდების ვადები და პირობები:

2.7.1 საქონლის (თანმდევი მონტაჟით) მოწოდება უნდა განხორციელდეს ხელშეკრულების გაფორმებიდან არაუგვიანეს 10 (ათი) სამუშაო დღის ვადაში.

2.7.2 საქონლის (თანმდევი მონტაჟით) მოწოდების ადგილია: საქართველო, წინამდებარე ცხრილში მითითებული მისამართები.

2.8 შესყიდვის ობიექტის საგარანტიო ვადები:

2.8.1 შესასყიდი საქონლის (თანმდევი მონტაჟით) საგარანტიო ვადა უნდა შეადგენდეს 5 (ხუთი) წელს მიღება-ჩაბარების აქტის გაფორმებიდან.

2.9 პრეტენდენტის მიერ სისტემაში ასატვირთი მონაცემები:

2.9.1 პრეტენდენტმა უნდა წარმოადგინოს რეკვიზიტები დანართი №1-ის მიხედვით.

2.9.2 შესასყიდი საქონლის (თანმდევი მონტაჟით) ფასების ცხრილი დანართი №2-ის მიხედვით.

2.9.3. ინფორმაცია ბოლო 5 წლის განმავლობაში განხორციელებული ანალოგიური საქონლის - მანათობელი ბილბორდების (თანმდევი მონტაჟით) მიწოდების შესახებ დამკვეთების მითითებით.¹

2.10. ფასწარმოქმნის ადექვატურობის დასაბუთება:

2.10.1. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტი ვალდებულია წარმოადგინოს ფასწარმოქმნის ადექვატურობის დამადასტურებელი დოკუმენტი² 3 (სამი) სამუშაო დღის ვადაში.

2.10.2. ფასწარმოქმნის დამადასტურებელ დოკუმენტაციად წარმოდგენილ უნდა იყოს პროფორმა ინვოისი.

¹ გამოცდილება აუცილებელი მოთხოვნაა.

² სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-11 მუხლის მე-2¹ პუნქტი.

**ხელშეკრულება სახელმწიფო შესყიდვის შესახებ
პროექტი
ელექტრონული ტენდერი - SPA**

ქ. თბილისი

“___” _____ 2015 წ.

სსიპ - საქართველოს ტურიზმის ეროვნული ადმინისტრაცია, (მისამართი: ქ. თბილისი, სანაპიროს ქ #4, ტელ: 2436999, საბანკო რეკვიზიტები: ანგ.N GE24NB033010020016502 სახელმწიფო ხაზინა, კოდი TRESGE22, სკ-204578206), შემდგომში წოდებული "შემსყიდველად", წარმოდგენილი მისი ხელმძღვანელის გიორგი ჩოგოვადის სახით და ----- (მის: ----- ტელეფონი: -----, საბანკო რეკვიზიტები: ----- ს.კ. -----) შემდგომში წოდებული "მიმწოდებლად", წარმოდგენილი მისი დირექტორის ----- სახით, ორივე ერთად წოდებული როგორც "მხარეები", ვმოქმედებთ, რა საქართველოს კანონმდებლობის, მათ შორის "სახელმწიფო შესყიდვების შესახებ" საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში.

1.6 „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

საქართველოს რეგიონებში ტურისტულად მიმზიდველ ქალაქებსა და დაბებში საინფორმაციო-სარეკლამო მანათობელი ბილბორდების (თანმდევი მონტაჟით) შესყიდვა დანართი # -ის შესაბამისად

(CPV 39294100;)

3. ხელშეკრულების ღირებულება, ვადები და მიწოდების ადგილი

3.1 ხელშეკრულების ღირებულება შეადგენს ----- ლარს.

3.2 ხელშეკრულების ღირებულება მოიცავს როგორც მისაწოდებელი საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯსა და საქართველოს კანონმდებლობით გათვალისწინებულ გადასახადებს.

3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

3.4 საქონლის მიწოდების ვადა:

3.5 საქონლის მიწოდების ადგილია:

4. მხარეთა მოვალეობები

4.1 მიმწოდებელი ვალდებულია:

ა) შემსყიდველს მიაწოდოს საქონელი დანართი # -ის შესაბამისად.

ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე, შემსყიდველის მიერ წერილობით დადგენილ ვადებში უზრუნველყოს აღმოჩენილი ხარვეზის გამოსწორება;

გ) ხელი შეუწყოს შემსყიდველს ინსპექტირების განხორციელებისას;

დ) უზრუნველყოს ამ ხელშეკრულებით გათვალისწინებული სხვა ვალდებულებების განხორციელება.

4.2 შემსყიდველი ვალდებულია:

ა) უზრუნველყოს მიწოდებული საქონლის წინამდებარე ხელშეკრულების პირობებთან შესაბამისობის კონტროლი და დადებითი შეფასების შემთხვევაში მისი მიღება;

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ხარისხი და საგარანტიო ვადა

5.1 ხელშეკრულებით გათვალისწინებული მისაწოდებელი საქონლის ხარისხი უნდა შეესაბამებოდეს შემსყიდველის მოთხოვნებს და უნდა შეესაბამებოდეს დადგენილ სტანდარტებს.

5.2 შესასყიდი საქონლის (თანმდევი მონტაჟით) საგარანტიო ვადა უნდა შეადგენდეს 5 (ხუთი) წელს მიღება-ჩაბარების აქტის გაფორმებიდან.

5.3 საგარანტიო პერიოდში დეფექტის აღმოჩენის შემთხვევაში, მიმწოდებელი ვალდებულია შემსყიდველის წერილობითი შეტყობინების მიღებიდან 5 (ხუთი) სამუშაო დღეში გამოასწოროს დეფექტი ან შეცვალოს დეფექტური ნაწილი, ასევე შეცვალოს ან შეაკეთოს ის ნაწილიც რომელიც დაზიანდა მიმწოდებლის მიერ უხარისხო ნაწილის მიწოდებიდან გამომდინარე.

6. ხელშეკრულების შესრულების კონტროლი

6.1 შემსყიდველის მიერ ხელშეკრულების შესრულების კონტროლი განხორციელდება ხელშეკრულების მოქმედების პერიოდში შემსყიდველის მოთხოვნათა შესაბამისად.

6.2 ინსპექტირებას განახორციელებს სსიპ საქართველოს ტურიზმის ეროვნული ადმინისტრაციის -----

6.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია, პერიოდულად ჩაატაროს ხარისხის კონტროლი და თუ აღმოჩნდება წუნი მიწოდებულ საქონელში მიმწოდებელი ვალდებულია შემსყიდველის მიერ წერილობით დადგენილ ვადებში გამოასწოროს წუნი, ხოლო თუ მიმწოდებელი ვერ შეძლებს წუნის გამოსწორებას და შემსყიდველს უკვე გადახდილი აქვს მიწოდებული საქონელის ღირებულება დაუბრუნოს შემსყიდველს მიწოდებული საქონელის ღირებულება.

7. საქონლის მიღება-ჩაბარების წესი

7.1 საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელის მოწერით, ინსპექტირების განმახორციელებელი პირის/პირების დადებითი დასკვნის საფუძველზე.

7.2 საქონლის მიღებას აწარმოებს სსიპ საქართველოს ტურიზმის ეროვნული ადმინისტრაციის -

8. ანგარიშსწორება

8.1 ანგარიშსწორების ვალუტა _ ლარი.

8.2 ანგარიშსწორების ფორმა _ უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.3 შემსყიდველი იღებს ვალდებულებას გადაუხადოს მიმწოდებელს მიწოდებული საქონლის ღირებულება მიღება-ჩაბარების აქტების გაფორმებიდან და საგადასახადო ანგარიშ-ფაქტურის (დღგ-ს

გადამხდელის შემთხვევაში) წარმოდგენიდან 20 (ოცი) დღის განმავლობაში. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, ანგარიშსწორება განხორციელდება მომდევნო სამუშაო დღეს.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო მოკლე ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1 წინამდებარე ხელშეკრულების 4.1 პუნქტით განსაზღვრული საქონლის მიწოდების შეუსრულებლობის ან არაჯეროვნად შესრულების შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების **0.07%-ის** ოდენობით.

10.2 წინამდებარე ხელშეკრულების 6.3 ან/და 5.3. პუნქტით გათვალისწინებული ვადების გადაცილების შემთხვევაში ყოველ ვადაგადაცილებულ დღეზე მიმწოდებელს ეკისრება პირგასამტეხლო ხელშეკრულების ღირებულების **0.07%-ის** ოდენობით.

10.3 თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

10.4 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11. ხელშეკრულებაში ცვლილებების შეტანა

11.1 ხელშეკრულებაში ცვლილების განხორციელება შესაძლებელია მხარეთა მიერ წერილობითი შეთანხმების საფუძველზე.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტის წესი

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

12.2 თუ ასეთი მოლაპარაკებების დაწყებიდან **5 (ხუთი)** დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია მიმართოს საქართველოს სასამართლოს კანონით დადგენილი წესით.

13. ხელშეკრულების შეწყვეტა

13.1 შემსყიდველი მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

13.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14.ხელშეკრულების მოქმედების ვადა

წინამდებარე ხელშეკრულება ძალაში შედის ამ დოკუმენტის თავში მითითებული თარიღიდან და მოქმედებს

15.ფორს-მაჟორი

15.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16.სხვა პირობები

ხელშეკრულება შედგენილია ორი თანაბარი იურიდიული ძალის მქონე ეგზემპლარად ქართულ ენაზე. აქედან ერთი გადაეცემა შემსყიდველს, მეორე - მიმწოდებელს.

17.მხარეთა რეკვიზიტები

1. რეკვიზიტები:

პრედენდენტის დასახელება:

ხელმძღვანელის სახელი და გვარი:

პრეტენდენტის მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიშის ნომერი:

ხელმოწერა

ბ.ა

მისაწოდებელი საქონლის ფასების ცხრილი

პრეტენდენტის დასახელება _____

#	დასახელება	ტექნიკური მახასიათებლები	ქალაქი	მწარმოებელი ქვეყანა	რაოდენობა	ერთეულის ფასი	მიწოდების ვადა და ადგილი	საგარანტიო ვადა
1.	საინფორმაციო- სარეკლამო მანათობელი ბილბორდების თანმდევი მონტაჟით) შესყიდვა		ქუთაისი					
			ახალციხე					

სულ: ლარი

ხელმოწერა ბ.ა.